

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ
জাপান-২ অধিশাখা

প্রেস বিজ্ঞপ্তি



অর্থনৈতিক সম্পর্ক বিভাগ কর্তৃক বাস্তবায়নাধীন 'The Project for Human Resource Development Scholarship (JDS)' শীর্ষক প্রকল্পটি বাস্তবায়নের জন্য জাপান সরকার বাংলাদেশ সরকারকে ৪৭৬.০০ মিলিয়ন জাপানী ইয়েন (৩২.২৭ কোটি টাকা বা ৩.৪১ মিলিয়ন মার্কিন ডলার) অনুদান সহায়তা প্রদান করবে। এ বিষয়ে আজ ২৬ অক্টোবর ২০২২ তারিখে বাংলাদেশ ও জাপান সরকারের মধ্যে 'বিনিময় নোট' ও 'অনুদান চুক্তি' স্বাক্ষরিত হয়। উক্ত 'বিনিময় নোট' ও 'অনুদান চুক্তি' বাংলাদেশ সরকারের পক্ষে অর্থনৈতিক সম্পর্ক বিভাগের সচিব মিজ শরিফা খান স্বাক্ষর করেন। জাপান সরকারের পক্ষে বাংলাদেশে নিযুক্ত জাপানের মান্যবর রাষ্ট্রদূত Mr. ITO Naoki 'বিনিময় নোটে' এবং ঢাকায় নিযুক্ত জাইকা'র চিফ রিপ্রেজেন্টেটিভ Mr. ICHIGUCHI Tomohide 'অনুদান চুক্তি'তে স্বাক্ষর করেন।



'The Project for Human Resource Development Scholarship (JDS)' শীর্ষক প্রকল্পটি ২০০১ সাল হতে চলমান রয়েছে। প্রকল্পটির মূল উদ্দেশ্য হলো বিসিএস ক্যাডার কর্মকর্তা, বাংলাদেশ জুডিশিয়াল সার্ভিস কর্মকর্তা এবং বাংলাদেশ ব্যাংকের প্রথম শ্রেণীর কর্মকর্তাগণকে জাপানের বিভিন্ন বিশ্ববিদ্যালয়ে মাস্টার্স ও পিএইচডি কোর্সে অধ্যয়নের লক্ষ্যে বৃত্তি প্রদান। এ পর্যন্ত প্রকল্পটির মাধ্যমে ৩৮৩ জন কর্মকর্তা মাস্টার্স ও ০২ জন কর্মকর্তা পিএইচডি ডিগ্রী অর্জন করেছে। বর্তমানে ৮৯ জন কর্মকর্তা মাস্টার্স ও ১২ জন কর্মকর্তা পিএইচডি ডিগ্রী অর্জনের কার্যক্রম প্রক্রিয়াধীন রয়েছে। কর্মকর্তাগণ ডিগ্রী অর্জন শেষে দেশে প্রত্যাবর্তন করে স্ব-স্ব ক্ষেত্রে দক্ষতা ও সুনামের সাথে কাজ করছেন এবং দেশের উন্নয়নে ইতিবাচক ভূমিকা রাখছেন বলে প্রতীয়মান হয়েছে। উক্ত প্রকল্পটি বাস্তবায়নের জন্য জাপান সরকার বাংলাদেশ সরকারকে ২০০১-২০২২ সাল পর্যন্ত ৫.৯৪ বিলিয়ন (প্রায়) জাপানীজ ইয়েন (আনুমানিক ৪০.৪৫ মিলিয়ন মার্কিন ডলার) প্রদান করেছে।



জাপান বাংলাদেশের একক বৃহত্তম দ্বিপাক্ষিক উন্নয়ন সহযোগী দেশ। বাংলাদেশের সার্বিক অর্থনৈতিক উন্নয়নে জাপান গুরুত্বপূর্ণ অবদান রেখে আসছে। নমনীয় ঋণ ছাড়াও জাপান বিভিন্ন প্রকল্পে অনুদান ও কারিগরী সহায়তা প্রদান করছে, যার মধ্যে মানব সম্পদ উন্নয়ন, আর্থ-সামাজিক উন্নয়ন এবং পরিবেশ সুরক্ষা হচ্ছে বিশেষভাবে উল্লেখযোগ্য। এ ছাড়াও ঋণ মওকুফ তহবিলের আওতায় জাপান বাংলাদেশকে বিভিন্ন প্রকল্পে সহায়তা প্রদান করে আসছে।

ফাতেমা বেগম
উপসচিব